

Das ander Wundkraut.



langen stilen oder schwänglin/ den Fahren blättern ehnlin/ zu beyden Seitten voll/ am obersten theil zerkerfft/ vnd hat auß den obersten flügeln oder Achseln/ hölen / das ander lange schmale ästlin an wachsen / die am obersten theil rauhe köpfflin gewinnen/ in der gestalt einer kugel / darinn ein Sam wächst / dem Samen des Mangolts ehnlich/ außgenommen das er runder vnd härter ist. Dieser Sam/ vnnnd die Blätter sindt auch sonderlich gut zu den Wunden.

Das dritte Wundt kraut/ Tertia,
Sideritis. Cap. xxxiij.

Eliche sagen es sey noch ein ander kraut/ Sideritis genent/ welches der Crateuas Heracleam nennet / vnd wächst an den Wänden / vnnnd in den Weinbergen/ mit vielen Blättern / auß den Wurkeln / dem Coriander ehnlich / vmb seine Stengel her / die sindt spannen hoch / zart / glat / roht vnnnd weiß hat kleine Purpurfarbe Blumen / am Geschmack bitter vnnnd zähe.

Beschreibung.

Dieses Kraut hat auch ein krafft / das es die verblutunge der frischen Wunden stillet / damit vbergelegt vnd die selbige zuheffet vnd heylt.

Krafft vnd Vermögen

Groß garben kraut.



Groß garben kraut/ Achillea.
Cap. xxxv.

Groß garben kraut/ Schafftrippe/ Griechisch Achillea, von etlichen Achillea Sideritis genannt/ bekompft Stengel einer Spannen hoch / oder länger / in der Gestalt der spillen / mit kleinen blättern vmbgeben / welche auff den seitten mit vielen schnittlin zerkerfft sindt / den Coriander Blättern ehnlich / etwan rot an der farb vnd zähe / eines starcken geruchs / aber doch nit vnlieblich / am obersten theil des Stengels wachsen runde Krönlin / wie Schatthütlin / mit weissen Blumen / auff Goldtigel genengt / vnd wächst in feystem Erdtrich.

Beschreibung.

Die Blätter gestossen / vnnnd vber die frische wunden gelegt / hefften vnd heylen dieselbige zu / vnd befreihen die von der Hitze vnd einkündung / stopffen das Blut / vnnnd sonderlich den vbrigen Blutfluß der Frauen / mit Wollen zum Zäpfflin formiert / vnd von vnden appliciert / oder den Weibern die Brüh / da solche Blätter in gesotzen sindt / zu einem badt gemacht. Solche Brüh ist auch gut getruncken / wider die rohte ruhr.

Krafft vnd Vermögen